



Warbixin ka timid Diiwaanka qumanka

Hordhac

Diiwaanka qumanka waxaa la geliyaa bukaanka qumanka laga qalo, infakshan ama qumanka oo waaweynaaday awgood. Qalliinka qumanku waa mid ka mid ah qalliimmada ugu badan ee Norway carruurta iyo dhallinyarada lagu sameeyo. Sanadkiiba waxaa la sameeyaa qiyaastii 8.000 oo qalliin oo quman lagu goynayo, kuwaas oo ka dhaca isbataallada dawladda ama kuwo gaar loo leeyahay oo ay dawladdu kharashka soo celiso.

Hadafka

Hadafka laga leeyahay diiwaanka waa in ay bukaanka oo dhan helaan daaweyn ku habboon oo ammaan ah - iyo in sare loo qaado aqoonta ay bukaanku, koox ahaan iyo keli ahaanba, u leeyihiin daaweyntan. Diiwaanku wuxuu gacan ka geysan karaa sidii daaweynta sare loogu qaadi lahaa oo laysugu duwi lahaa, oo sidoo kale loo xoojin lahaa xiisaha iyo cilmibaarista maaddadan iyo weliba wacyigelinta dadweynaha.

Maxaa la diiwaangelinayaa?

Macluumaadka la diiwaangelinayo waa magac, lambar dhalasho, sababta qalliinka, daaweynta, haddii ay waxyeello danbe timaaddo qalliinka kaddib iyo faa'iidada uu bukaanku soo tebiyo in uu qalliinku u keenay.

Sharraxaadda diiwaanka ka eeg bogga internetka ee <https://stolav.no/norsk-tonsilleregister>

Xaggee ayaa warbixinta laga soo qaadanayaa?

Si qiimayn loogu sameeyo tayada daaweynta ayaan waxaan u baahannahay in aan macluumaadkaaga helno daaweynta ka hor, inta daaweyntu socoto iyo daaweynta kaddib intaba. Dhakhtarka ayaa macluumaadka diiwaangelinaya qalliinka kaddib, adigana foom su'aalo ah oo dhigitaal ah ayaa lagu soo diri doonaa 30 maalmood iyo 6 bilood qalliinka kaddib.

Xaqa loo leeyahay in la arko, wax laga beddelo iyo in qofka laga daayo gelinta diiwaanka

Sida uu dhigayo xeerka diiwaanka caafimaadka §§ 24-25 waxaad markii aad doonto dalban kartaa inaad aragto macluumaadka lagaa diiwaangeliyay, ama dalbi kartaa macluumaadka in la saxo ama la tirtiro. Waxaad xaq u leedahay in lagaa daayo in diiwaanka lagugu daro iyo in macluumaadkaaga qofeed- iyo kuwa caafimaadkaaga lagu sii isticmaalo Diiwaanka qumanka. Haddii aadan doonayn in macluumaadkaaga la kaydiyo, markii aad doonto ayaad dalban kartaa in taas lagaa daayo adiga oo aan wax sabab ah lagaaga baahnayn. Daaweyntaada wax saamayn ah ku yeelan mayso haddii aad doorato in aan diiwaanka lagu gelin ama haddii aad doonayso in diiwaanka lagaa saaro. Waa la tirtirayaa warbixinnada kugu saabsan ee diiwaanka ku jira. Isbataalka St. Olavs oo mas'uul ka ah macluumaadka la soo aruuriyay ayaa weli macluumaadka sii maaraynaya marka ay taasi muhiim u tahay sidii uu isbataalku uga soo bixi lahaa waajibka ka saaran in aan diiwaanka mar kale lagu soo darin dad codsaday in laga reebo. Faylalka cilmibaarista ee uu qarsoon yahay qofka macluumaadka bixiyay ee cilmibaarista loo isticmaalay la tirtiri maayo marka macluumaadka la tirtirayo.

Boggaan ayaad ku dalban kartaa in aan diiwaanka lagugu darin www.helsenorge.no, ku sheegi kartaa in aad qalliin leedahay ama kula xiriiri kartaa Diiwaanka qumanka. Hagista xaqa aad u leedahay in warbixin lagu siiyo, arkidda, tirtiridda iyo in aan macluumaadkaaga la diiwaangelin waxaad ka helayaa <https://tjenester.helsenorge.no/helseregistre> iyo bogga internetka ee Diiwaanka qumanka <https://stolav.no/norsk-tonsilleregister>

Haddii aad dareento macluumaadkaaga in aan loo maaraynin si waafaqsan xeer-hoosaadka diiwaanka tayada caafimaadka ama xeer kale oo arrintan khuseeya, waxaad la xiriiri kartaa Hay'adda kormeerka macluumaadka [Datatilsynet] ama Hay'adda kormeerka caafimaadka ee qaranka [Statens Helsetilsyn].

Shuruucda iyo xeerarka

Diiwaanka qumanku wuxuu hoos tagaa xeer-hoosaadka diiwaanka tayada caafimaadka, xeerka diiwaanka caafimaadka iyo nidaamka ilaalinta macluumaadka qofka. Wuxuu diiwaanku daryeelaa hawlaha danta guud ah, kuwaas oo sharci ahaan ku salaysan nidaamka ilaalinta macluumaadka qofka qodobka 6aad lambarka 1aad xarfka e iyo qodobka 9aad lambarka 2aad xarfaha g, h, i iyo j. Xeerka diiwaanka caafimaadka iyo xeer-hoosaadka diiwaanka



Norsk Kvalitetsregister Øre-Nese-Hals, Tonsilleregisteret

tayada caafimaadka waa xaq dheeri ah oo la socda xaq qaranka. Macluumaadka xiriirka aad la leedahay hay'adaha caafimaadka ee takhasuska leh adiga oo aan oggolaan ayaa la soo qaadan karaa oo la isticmaali karaa, laakiin waxaad xaq u leedahay in warbixin lagu siiyo – waxaa kale oo aad xaq u leedahay in aad iska reebto in uu diiwaanku sii maareeyo macluumaadkaaga. Macluumaadka diiwaanka ku jira waxaa la haynayaa ilaa iyo inta ay jirto sabab uu diiwaanku macluumaadka u isticmaalo taas oo ku salaysan nidmaanka ilaalinta macluumaadka qofka ee qodobka 6aad lambarka 1aad xafarka e iyo xeer-hoosaaka diiwaanka tayada caafimaadka, iyo ilaa iyo inta loo baahan yahay oo ay taasi lagama maarmaan u tahay hadafka daaweynta.

Macluumaadka elektaroonik ahaan ayaa loo diiwaangeliyaa, mana arki karaan dad aan shaqo ku lahayn. Macluumaadka oo dhan waxaa la xafidayaa ayada oo la tixgelinayo ilaalinta macluumaadka qofka iyo xaq nolosha khaaska ah ee qofka kuwaas oo waafaqsan xeerarka iyo xeer-hoosaadyada.

Maaraynta macluumaadka diiwaanka

Macluumaadka waxaa diiwaanka loogu kaydiyaa hab aan laga garan karin qofka bixiyay, halkaas oo lambar-sireed lagu beddelo lambarka dhalashada qofka. Waajib xog qarintan ayaa saaran dhammaan dadka og macluumaadka diiwaanka ku jira. Macluumaadkaaga qof ahaaneed na waxaa la bixin karaa ama si kale loo fidin karaa keliya marka ay taasi u dhacayso si waafaqsan xeerarka iyo xeer-hoosaadyada – sida tusaale ahaan xeerarka waajibka xog qarinta iyo nidaamka ilaalinta macluumaadka qofka ee Yurub. Macluumaadka diiwaanka waa loo isticmaali karaa maammulka adeegga caafimaadka, sare u qaadidda tayada daaweynta iyo cilmibaarista.

Macluumaadka diiwaanka bukaanka ayaa la soo qaadan karaa si loo ogaado tafaasiisha cudur-aqoonsiga iyo daaweynta la bixiyay. Waxaa kale oo uu diiwaanku soo qaadan karaa oo is barbardhigi karaa macluumaadka kale ee arrinta khuseeya ee ku jira diiwaannada tayada caafimaadka ee qaranka iyo diiwaannada caafimaadka ee ku dhisan xeerka diiwaanka caafimaadka § 8 ilaa §11, ayada oo kuwaas loo eegayo macluumaadka Diiwaanka dad dhigista iyo macluumaadka dhaqan-dhaqaale ee diiwaannada dadweynaha ee kale. Diiwaannada dadweynaha iyo baaritaannada dadweynaha waxaa ka mid ah: Diiwaanka bukaanka Norwiiijiga, Diiwaanka dhalashada, Diiwaanka waraaqaha daawada, Diiwaanka kansarka, Diiwaanka sababta geerida, Diiwaanka Xarunta dhexe ee Tirakoobka, FD Trygd, NAV, Diiwaannada Agaasinka laanta canshuuraha, baaritaannada dadweynaha ee ku jira Conor, qaybaha diiwaannada ee arrintan khuseeya ee ØNH, Baaritaannada caafimaadka ee Qaranka, Baaritaanka Tromsø, HUNT iyo KUHR (Koontaroolka iyo bixinta kharash caafimaad oo qofka loo celinayo). Si joogto ah ayaan u hubinnaa inay sax yihiin macluumaadka ku jira diiwaanka qumanka – taas oo aan hubinno annaga oo barbardhigayna Diiwaanka bukaanka Norwiiijiga. Waxaan eegnaa in tirada bukaanka la diiwaangeliyay ay tahay tiradii saxda ahayd.

Wadashaqayn ayaa lala leeyahay diiwaannada qumanka ee waddammada waqooyiga ee kale. Waxaa lagu tala jiraa in si joogto ah is-barbardhig loogu sameeyo macluumaad la qariyay dadka bixiyay, iyo in la billaabo cilmibaaris heer caalami ah oo ku salaysan diiwaannada kala duwan. Waxaa sidoo kale lagugu casumi karaa mashruucyo cilmibaaris oo khaas ah oo hoos imaanaya hadafka diiwaanka.

Mar kasta oo macluumaadka la is-barbardhigayo waa inay taas horey u sii oggolaadaan hay'adaha dawliga ah ee la aqoonsan yahay. Natiijooyinka ka soo baxa dhiraandhirinta macluumaadka diiwaanka ku jira ma laga garan karo qofkii gaarka ahaa ee macluumaadka bixiyay.

Warbixin sanadle ah ayaa diiwaanka laga soo saari doonaa, halkaas oo ay dadweynuhu macluumaadka ku arki karaan bogogga internetka ee hoos ku xusan. Natiijooyinka waxaa si joogto ah loogu daabici doonaa kulan-xarfadeedyada, iyo wargeys-xilliyeedyada caafimaadka ee qaranka iyo kuwa caalamiga ah.

Warbixin dheeraad ah oo diiwaanka ku saabsan waxaad ka helaysaa: www.kvalitetsregistre.no iyo <https://stolav.no/norsk-tonsilleregister>

Iimayl: tonsilleregisteret@stolav.no

Maammulaha guud:

Siri Wennberg

Iimayl: siri.wennberg@stolav.no

Maammulaha cilmiga:

Vegard Bugten

Iimayl: vegard.bugten@stolav.no